



# Farg'ona haqiqati

Ijtimoiy-siyosiy, ma'naviy-ma'rifiy gazeta



http://farhaqiqat.uz/



t.me/farhaqiqati

## Президент ташрифидан сўнг



# МАРҒИЛОН ЯНГИ ДАВРГА ҚАДАМ ҚУЙМОҚДА

**ТАРИХ СИЛСИЛАСИДАН ОМОН ҚОЛГАН НЕЧА ЗИЁРАТҲОҲУ, ОБИДАЛАР, МУҚАДДАС ҚАДАМЖОЛАР, МИЛЛИЙ ХУНАРМАНДЧИЛИК МАҲСУЛОТЛАРИ БИЛАН ДУНЁ АҲЛИНИ ҲАҚИҚАТГА ЭТИШ ҚИЯТИ**

Барчанинг юзида ёрқин табассум, мақсадлар муштарак, тиллардан кулоч ёйган. Яқин йилларда 25 минг аҳолига мўлжалланган янги турар жой – "Янги Ўзбекистон" массиви қад ростлайди.

Очиғи, марғилонликлар бу кунлар келишини муштоқлик билан узоқ кутишганди.

Жорий йил 12 июль куни Президент Шавкат Мирзиёевнинг вилоятимизга ташрифи чоғида яқин истиқболга белгиланган вазифалар доирасида Қўқон ва Марғилон шаҳри, туманлар марказларида "Янги Ўзбекистон" массиви қурилиши лойиҳаси бўйича топшириқлар берган эди.

Ўтган қисқа вақт ичида топшириқ ижроси юзасидан Марғилон шаҳрининг Янгиҳаёт кўчасида жойлашган 75 гектар ер майдонида 6 минг хонадонли "Янги Ўзбекистон" массивини бунёд этиш мақсадида бош режа ишлаб чиқилди.

Шу ҳафтада вилоят ҳокими Хайрулло Бозоров "Янги Ўзбекистон" массивида бўлиб, қурилиш-пудрат ташкилотлари раҳбарлари, қурувчи ва меъморлар билан суҳбатлашди.

Тадбир давомида пойдевор ишлари-га киришилиб, эзгу ниятлар ёзилган келажакка мактуб махсус идишга солиниди ва тантанали равишда кўп қаватли уйларнинг ертўла қисмини бетонлаштириш ишлари бошланди.

Аҳоли зич яшайдиган Марғилон шаҳрида йил сайин туғилишлар сони ортиб бормоқда. Статистик таҳлилларга кўра, шаҳарда 1 квадрат километр майдонда яшовчи аҳоли сони 1500 нафарга етади. Бу меъёрдан анча юқори кўрсаткич. Бунинг натижасида бир ховлида уч-тўрт талаб оила яшашига мажбур. Кўп қаватли уйлар қурилса-да, бу билан ҳам аҳоли эҳтиёжини қондириши қийин бўлмоқда.

Бугунги кунда шаҳарда 328 та кўп қаватли турар жой мавжуд. Уларнинг 277 таси 1991 йилгача бунёд этилган, маънан эскирди. 2016 йилдан шу даврга қадар янги қурилиб, фойдаланишга топширилган кўп қаватли уйлар сони атиги 40 тани ташкил этади. Келгуси 6-7 йилда аҳоли сони икки бараварга ошиши кутилмоқда.

Ҳўш, шу кунга қадар нега талаб бор жойда, эҳтиёжини қоплаш масаласи ортга сурилди?

– 2023 йилда 12 та, ушбу йилда 14 та янги турар жойлар бунёд этилган бўлса, мазкур кўрсаткич аҳоли эҳтиёжига қараганда жуда кам. Бунинг сабаби шаҳарда яшаш хонадонларини қуришга мўлжалланган ҳудуд йўқлигида. Давлатимиз раҳбарининг вилоятимизга навбатдаги ташрифи чоғида бу муаммо ҳал этилди. Фарғона туманининг 110 гектар қишлоқ хўжалиги экинларини етиштиришга мўлжалланган ерлари Марғилон шаҳри тасарруфига ўтказилди. Ҳозирда янги массив лойиҳаси доирасида катта бунёдкорлик, ободонлаштириш ва кўкаламзорлаштириш ишлари бошланган. Ҳудудга кўп қаватли замонавий турар жойлар, йирик ижтимоий объектлар жойлаштирилади, – дейди вилоят ҳокимининг қурилиш, коммуникациялар, коммунал хўжалик, экология ва кўкаламзорлаштириш масалалари бўйича ўринбосари Ҳожиқўзйон Исақов.

2 бет

# АЙТИНГ, ҚАЙ ЎҒИЛДАН КАМДИР ҚИЗИНГИЗ?!

Ёки "тракторчи" қиз қандай қилиб касб-хунар мактаби директори бўлди

ОЧЕРК

Гулираъно Холиқова – "Холиқов йўлчибой" фермер хўжалиғи раҳбари, Беруний номидаги давлат стипендияси ҳамда "Келажак бунёдкори" медали соҳибаси, Лолахон Муротова номидаги қишлоқ хўжалиғига ихтисослашган касб-хунар мактаби директори.

## ТАРБИЯ ОИЛАДАН БОШЛАНАДИ

Риштон туманининг Қайрағоқ маҳалласида яшовчи йўлчибой ака ва Озодахон опа икки қизни тарбиялашди, ўқитишди. Ер билан "тиллашиш"нинг уддасидан чиққан йўлчибой ака фарзандларини ҳам ҳалол меҳнат қилишга, инсофли, диёнатли, ориятли бўлишга ўргатди. Катта фарзанди Адолат Холиқова шифокор бўлди, кичик қизи Гулираъно эса ота касбини давом эттирди...

## МЕНИНГ ҲАМ СУЯНГАН ТОҒИМ, ИШОНГАН ТАЯНЧИМ БОР

Йўлчибой ака деҳқон эмасми, касбини давом эттирадиган меросхўри бўлишини орзу қиларди. Отасига тиргак бўлишни ният қилган Гулираъно Қўқон автотранспорт касб-хунар коллежини тамомлаб, Андижон қишлоқ хўжалиғи ва агротехнологиялар институтига ҳужжатларини топширди. Талабалик йиллари соҳадаги илмий изланишлари сабаб, Беруний номидаги давлат стипендияси соҳибаси бўлди, кейинчалик магистратурада ўқини давом эттирди.

Гулираънонинг онаси Озодахон опанинг айтишича, аввал бошида қизини бошқа соҳани танлашга ундайди. Аҳдида қатъий бўлган, тутган ерини кесадиган қизни ҳеч ким фикридан қайтара олмайди.



4 бет


## МУКОФОТЛАР МУБОРАК!

ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ "ТАДБИРКОРЛАР КУНИ МУНОСАБАТИ БИЛАН СОҲА ВАКИЛЛАРИДАН БИР ГУРУҲИНИ МУКОФОТЛАШ Тўғрисида"ГИ ФАРМОНИ БИЛАН БИР ГУРУҲ СОҲА ХОДИМЛАРИ ДАВЛАТИМИЗНИНГ ОРДЕН ВА МЕДАЛЛАРИ БИЛАН МУКОФОТЛАНДИ. УЛАР ОРАСИДА ФАРҒОНАЛИК ТАДБИРКОРЛАР ҲАМ БОР.

**"МЕХНАТ ШУҲРАТИ" ОРДЕНИ БИЛАН**  
Турдалиев Бохиржон Илхомович – Бешариқ туманидаги "Водий насли парранда" фермер хўжалиғи бошлиғи.

**"ДЎСТЛИК" ОРДЕНИ БИЛАН**  
Костоев Магомед Эзманович – Риштон туманидаги "Kosto Line holding" масъулияти чекланган жамияти таъсисчиси.

**"ШУҲРАТ" МЕДАЛИ БИЛАН**  
Абдурахимов Мухсин Муминович – Учкўприк туманидаги "Kokand bicycles" хусусий корхонаси раҳбари.



## ХАЛҚАРО "АТЛАС БАЙРАМИ" ФЕСТИВАЛИ ЎТКАЗИЛАДИ

Пилла қурти парваришланганда, вояга етгач, ўзидан ипак тодалар чиқаради. Бир донга чигит эса ер ва инсон тафти, меҳридан қувват олади, ўнлаб чаноқларни тўлдириб, пахта толасини етказди. Бу ҳар икки воқелик ҳам ҳануз изохини топмаган мўъжизалардир. Шу маънода, дунёдаги энг йирик пахта ва ипак толаси ишлаб чиқарувчи Ўзбекистонни мўъжизалар мамлақати, дейиш мумкин.

Марғилон эса асрлар, балки минг йилликлар давомида не-не хунарамандларини етиштирмади. Ҳозирга келиб, табиий толадан ноёб матолар ишлаб чиқариш борасида энг йирик марказга айланди. Шунинг учун ҳам унга халқаро ташкилотлар "Жаҳон ипак ва икат хунарамандлари шаҳри" мақомини бердилар. Мўъжизакор тодалардан тўқилган ранг-баранг атлас жилдоси Марғилонга олтинчи бор дунё хунарамандлари, соҳанинг олим ва таниқли мутахассисларини чорламоқда.

Шу йил 19-21 сентябрь кунлари Марғилонда анъанавий халқаро "Атлас байрами" фестивали бўлиб ўтди. Унга ҳозирлик масаласи юзасидан Фарғона вилоятига ташриф буюрган ЮНЕСКОнинг Ўзбекистондаги ваколатхонаси раҳбари Сара Ношади хонимни вилоят ҳокими Хайрулло Бозоров қабул қилди. Томонлар фестивални юқори

савияда ўтказишнинг шартлари ва дастурини муҳокама этдилар.

– Фестиваль кунлари табиий толадан ишлаб чиқарилган мато, гилам, кашта, кийим-кечак, мода дизайни йўналишларида иштирокчиларга ўқув-амалиёт дарсларини ташкил этамиз. Бу эса, ўзбек тўқимачилик анъаналарини ривожлантириш ва тарғиб этишга хизмат қилади, – деди Сара Ношади хоним.

– Фарғона вилояти ҳокимлиги ЮНЕСКО билан ҳамкорликдаги бу байрамни юксак даражада ўтказиш учун барча чораларни қўришга тайёр, – деди вилоят ҳокими Хайрулло Бозоров.

Сара Ношадининг таъкидлашича, мазкур фестивал хунарамандчиликни ривожлантириш, хунарамандларни бутун дунёга таништиришга ёрдам беради. Аслида Фарғона хунарамандлари тарғиботга муҳтож эмас. Халқаро майдонда уларнинг мустақкам ўринлари бор. Йилдан-йилга "Атлас байрами"га ташриф буюрувчилар кўпайиб борапти. Навбатдаги фестивалга бутун дунёдан машҳур дизайнерлар, уста хунарамандлар жалб этилади. Улар бир-бирлари билан фикр алмашадилар, бир ҳафта давомида тренинглар ўтказилади.

Музокаралар сўнггида Сара Ношади хонимга эсдалик совғалари топширилди.

Муҳаммадjon ОБИДОВ.  
Элёр ОЛИМОВ олган суратлар.

## "ЭНГ УЛУҒ, ЭНГ АЗИЗ!"

### КЎРИК-ТАНЛОВИ ҒОЛИБЛАРИ ТАҚДИРЛАНДИ

Вилоят мусиқали драма театрида Ўзбекистон Республикаси давлат мустақиллигининг 33 йиллиги муносабати билан "Бир бўлсак – ягона халқимиз, бирлашсак – Ватанмиз!" деган бош ғояни ўзда муҳассама этган "Энг улуг, энг азиз!" кўрик-танловининг Фарғона вилоят босқичи ғолиб ва совриндорларини тақдирлаш маросими ташкил этилди. Унда вилоят оммавий ахборот воситалари ходимлари, ёзувчилар, шоирлар, бадий ва тасвирий санъат соҳаси вакиллари иштирок этди.

Тадбирнинг очилиш маросимида сўзга чиққан вилоят ҳокимининг ўринбосари Хуршид Аҳмедов, "Тасвирий ойна" ижодий уюшмаси раиси Ифандиёр Латипов, Ўзбекистон Журналистлар уюшмаси Фарғона вилоят бўлими раиси Муҳаммадjon Обидов ижодкорларни Мустақиллик байрами билан табриклаш баробарида, мамлакатимизда амалга оширилаётган ислохотлар жараёнига тўхталиб ўтишди. Кейинги йилларда ОАВ соҳасида қўлга киритилган ютуқлар, ижодкорларни қўллаб-қувватлаш ва истеъдодларни рағбатлантиришга алоҳида эътибор қаратилаётгани таъкидланди.



3 бет





